

Izjava Olli Rehna, komesara Evropske unije za pitanja proširenja

Veoma sam zadovoljan činjenicom da je političko vodstvo Bosne i Hercegovine uspjelo postići značajan sporazum o reformi policije. Veoma je ohrabrujuće da su sadašnja rješenja u skladu sa principima Evropske unije. Politika u biti predstavlja iznalaženje praktičnih rješenja za teška pitanja, a bh. političari su pokazali da su spremni da iznađu odgovore koji će biti od koristi za cijelu zemlju.

Veoma se radujem susretu sa političkim predstavnicima 10. maja u Briselu kako bismo razgovarali o koracima koje namjeravaju poduzeti u cilju postizanja adekvatnog napretka po pitanju ove značajne preporuke iz Studije izvodljivosti. Sada je od suštinskog značaja da parlamenti u potpunosti podrže ovaj sporazum, te osiguraju neometani nastavak reforme policije.

Duh konstruktivnog dijaloga bi se sada također trebao primijeniti na rješavanje preostalih pitanja iz Studije izvodljivosti, prvenstveno pitanja zakona o javnom emitiranju, koje je očito neriješeno. Evropska komisija će sljedeći sastanak Konsultativne radne grupe održati 19. maja u Sarajevu. Na osnovu napretka koji se ostvari do tada, nadam se da ću biti u mogućnosti da pripremim preporuku za otvaranje pregovora o Sporazumu o stabilizaciji i pridruživanju. Uvjeren sam da je uz odlučne napore moguće da BiH krene naprijed ka sljedećoj fazi u procesu evropskih integracija.